

O **alsea** foi unha lingua ou grupo de linguas que se falou na costa norte de Oregón (Estados Unidos) ata mediados do século XX, Edward Sapir clasificouna dentro das linguas penutianas.^[1]

Ligazóns externas



En 1875 os falantes das dúas variedades movéronse para a reserva de Siletz, onde predominaba o chinook^[2] En 1930 quedaban 9 falantes das dúas variedades. O último falante, John Albert, morreu en 1951 en Oakville ^[3]

Estudos

En 1846 Horatio Hale puxo por escrito por primeira vez algunhas palabras desta lingua, concretamente 19 palabras do yaquina^[4]. John Milhau recolleu 166 palabras en 1856. Aínda que este primeiro achegamento á lingua foi escaso e realizouse sen os coñecementos suficientes tivo o mérito de se facer mentres os falantes de alsea vivían no seu territorio tradicional vivindo como sempre fixeran^[5] En 1884 J. Owen Dorsey realizou traballos lingüísticos en Siletz sobre o yaquina e sobre todo sobre o alsea, utilizou para transcribir os textos un alfabeto fonético que seguía o utilizado por J. Powell en *Introduction to the Study of Indian Languages* (1880). Livingston Farrand visitou a reserva en 1900 e recolleu textos de carácter antropolóxico, catro en inglés e cinco en alsea. Edward Sapir estivo por pouco tempo entre os alsea en 1906, recollendo algunhas páxinas con palabras e frases, a el débese a súa clasificación como lingua penutiana. Con todo a maior parte do material que se conserva da lingua alsea débese ao lingüista Leo Frachtenberg que en 1910 e de novo en 1913 recolleu textos de falantes da lingua na reserva de Siletz^[6], escribiu unha gramática que nunca publicou máis *Alsea Texts and Myths* (1920), un libro de textos alsea cun extenso vocabulario. O antropólogo Philip Drucker recolleu palabras de dous alseas en 1934 que incluíu na súa obra *Contributions to Alsea Ethnography* (1939). Melville Jacobs recolleu en 1935 vocabulario e frases e tamén gravou alsea falado, aínda que a gravación sexa actualmente case inaudible^[7]. John Harrington foi o último lingüista que puido traballar cun falante de alsea, en 1941 co seu axudante gravou 66 discos de aluminio coa voz de John Albert.

Consoantes

O alsea ten 34 consoantes:

		Bilabial	Alveolar		Post-alveolar	Velar		Uvular		Glotal	
			central	lateral		simple	labial	simple	labial	simple	labial
Oclusiva	simple	p	t			k	k ^w	q	q ^w		
	glotalizada	pʼ	tʼ			kʼ	kʷ	qʼ	qʷ	ʔ	
Africada	simple		ʈ								
	glotalizada		ʈʼ	tʃʼ							
Nasal	simple	m	n								
	glotalizada	mʼ	nʼ								
Fricativa			s	ʃ	ʃ	x	x ^w	χ	χ ^w	h	(h ^w)
Aproximante	simple			l	j		w				
	glotalizada			lʼ	jʼ		wʼ				

- O status de /h^w/ é incerto.
- /s/ é realmente entre alveolar e postalveolar.

Vogais^[7]

: curtas	: longas	: curtas nasais	: longas nasais
<div><ul style="list-style-type: none">▪ i▪ u▪ a</div>	<div><ul style="list-style-type: none">▪ i·▪ u·▪ a·</div>	<div><ul style="list-style-type: none">▪ ɨ▪ ʉ▪ ʌ</div>	<div><ul style="list-style-type: none">▪ ɨ·▪ ʉ·▪ ʌ·</div>

Notas

1. Na clasificación que realizou en 1929 para a *Encyclopædia Britannica*, Dale Kinkade discorda da súa inclusión en *Alsea pronouns*, 1978
2. Marianne Mithun *The languages of native North America*. Cambridge University Press, 2001, páxina 341
3. Stephen Adolphe Wurm et al. *Atlas of Languages of Intercultural Communication in the Pacific, Asia, and the Americas*. Walter de Gruyter, 1996, páxina 1148
4. Albert Gatschet, *Volk und Sprache der Máklaks im südwestlichen Oregon*. *Globus Illustrierte Zeitschrift für Länder- und Völkerkunde*, vols. 35 and 36. 1879.
5. Eugene Buckley *Reconstructing the sounds of Alsea*. En Scott DeLancey, ed., *Papers from the 1988 Hoka-Penutian Languages Workshop*. University of Oregon, Publications of the Center for Amerindian Linguistics and Ethnography 1, 9–30.
6. Marianne Mithun *The languages of native North America*. Cambridge University Press, 2001, páxina 230
7. Eugene Buckley *Reconstructing the sounds of Alsea*. En Scott DeLancey, ed., *Papers from the 1988 Hoka-Penutian Languages Workshop*. University of Oregon Papers in Linguistics: Publications of the Center for Amerindian Linguistics and Ethnography 1, páxinas 9–30. 1988

Véxase tamén

Ligazóns externas

- O alsea no Ethnologue (https://web.archive.org/web/20060127085945/http://www.ethnologue.com/show_language.asp?code=aes)
- Textos de Leo Frachtenberg recollidos entre 1910 e 1913 (<https://archive.org/details/alseatextsandmy00fracgoog/page/n9>)

Traído desde "https://gl.wikipedia.org/w/index.php?title=Lingua_alsea&oldid=5167710"

A última edición desta páxina foi o 4 de xuño de 2019 ás 10:29.

Todo o texto está dispoñible baixo a [licenza Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.